

SANITÉ - Le dotur Eduard Agreiter é demez dai 26 ai 28 de jená 2026 y vëgn sostitui dala doturia Grete Mahlknecht 349 06 67 034.

COMUN - Racoüda dl refodam da tosser
San Martin / magazin di stödafüch ai 20 de jená (dedolönesc) dales 9.00 ales 10.00
Lungiarü / magazin di stödafüch ai 20 de jená (mertesc) dales 10.15 ales 11.15

I sac vërc por le ciomënt por l'ann 2026 é da ciagé te comun dai 12 ai 23 de jená 2026 tratan l'orar de daurida di ofizi. An ciafará ince sac de papier por le refodam bio, ch'al foss bun adoré por che le refodam sides plü nèt y zënza plastiga.

PLOANIES SAN MARTIN Y LUNGIARÜ

Oraziun tl apartamënt de siur Heinrich Videsott a La Val en dedemesaledema, ai 21 de jená, dales 20.00.

La dlíja da Oies a ciagé n orghe nü – dilan ales entrades dal teater musical "Ojöp Freinademetz" metü a jí dala musiga de Badia y dal Sorvisc ai Jogn (+ contribut dala region). En la vëia dla festa de sant Ojöp, ai 28 de jená, dales 20.00, vëgnel presenté y benedí l'orghe nü cun na funziun ciantada "evensong"; düc é inviá. En la festa de sant Ojöp, ai 29 de jená, él sö Oies dales 16.00 mëssa solëna cun siur Ulrich Fistill, i miscionars SVD y nüsc proi, ciantada dal cor da San Martin.

SAN MARTIN

La Uniun di Seniors San Martin / Antermëia inviëia dötes le seniores y düc i seniors ala sentada generala en domënia, ai 25 de jená, dales 11.15, tla ostaria dl Tasser cun chësc ordinn dl de: relaziun sura l'ann passé, program dl'ativité y marëna, por chëra ch'al é da paíé 15 €. Düc é inviá, präibel anzunziesse pro Leo 348 40 96 351.

LUNGIARÜ

I seniors y les seniores da Lungiarü é dër bel inviá/des da gní incö, domënia ai 18 de jená, dales 14.00, tl salf dla scora ala incuntada "Domisdé cun café y proieziun de fotografies cun Mario".

Nos mitans y mituns: Carolin, Ian, Isaac, Jana, Joele, Lorena, Maria, Mirko, Raffaella, Samuel, Victoria, Yoel y Yvonne, un metü man, adöm cun nüsc geniturs, da s'arjigné ca ala festa dla Pröma Comuniun. I ves periun da nes acompagné sön nosc tru cun osc pinsier y cun osta oraziun. Bele sëgn inviunse döta la comunité la domënia, ai 19 d'aurí, ala festa de nosta Pröma Comuniun

Ester geniturs - löm y ambria; insciö sciöch'i sun, vára bun y canch'i me stënti, me chiri aiüt. Chësc é le slogan dl sorvisc de Sostëgn bunorí por families. Al é n sorvisc por düc i geniturs che vëgn docá, geniturs susc y families cun mituns danter 0 y 3 agn, che é te situaziuns de desfida. Nüsc esperc dl ciamp sanitar y sozial dá consëis aladò dles ghiranzes y ciafa deboriada soluziuns adeguades. Le sorvisc é debann, confidenzial y volontar. Por de plü informaziuns podëise se lascé aldí por telefon 333 62 03 945 o por e-mail fruehe.hilfen@bzgpust.it
Le sorvisc é da ciagé t'l'azada a tera dl raiun sozio-sanitar Val Badia en chëstes dates: ai 19 de jená, ai 23 de forá, ai 23 de merz y ai 20 d'aurí 2026.



Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

18.01.26 - 25.01.26 n. 8

termo por comunicaziuns: jöbia, dales 20.00

2ª DOMËNIA IA POR L'ANN A

Vangele do san Jan 1, 29-34

Te chël tëm্প à Jan Batista odü le Signur che ti gnô pomez y al à dit: Cíarede, l'Agnel de Dî, che tol demez le picé dl monn. Èl é chël, de chël ch'i à dit: Do da mè vëgnel n èl che m'é danfora, deach'al ê dan da mè. Ince iö ne le conesciö nia; mo i sun gnü y i batiëii cun ega, por ti al fà conësce a Ìsrael. Y Jan à testimonié: I à odü le Spirit gnon jö dal cil sciöche na colomba y ston sön èl. Ince iö ne le conesciö nia; mo èl, che m'à menè a batié cun ega, m'à dit: Sön chël che t'odaras gnon jö le Spirit y sön chël ch'al sta, chël él che batiëia cun Spirit Sant. Chësc ài odü, y i testimoniëii: Èl é le Fi de Dî.

*Te chësc vangele á le vangelist imënt les parores dl profet Isaia:
"Chësc é mi prelité, te èl ciafi mi plajëi.
I á metü mi Spirit sön èl." (Is. 42.1)
Sön Gejú palsa le Spirit de Dî.
Chësc Spirit resta sön èl sciöche le vangele le confermëia tres indò.
Porchël vëgn Gejú ince nominé Fi de Dî.
Gejú é porsona umana y Dî.
Trames les perts é importantes:
Tla umanité de Gejú se sintiunse dër daimpró y liá a d'èl.
Mo süa divinité é ci che nes dá speranza,
èl é bun da nes salvé fora de nosta meseria y dala mort.*

EDEMA - A	SAN MARTIN	LUNGIARÜ	
<p>18.01.26 2ª DOMÈNIA - ANN A</p> <p>Scomenciamënt dl'edema de oraziun por l'unité di cristians</p>	<p>9.30 Corona (don Marco) 10.00 Gran Mëssa por la comunité de ringraziament al Agno Custode + Rita Rubatscher Verginer, dl ann 14.30 Bato de Lucas Videsott de Paul y Barbara Pezzeri</p>	<p>7.50 Corona (don Marco) 8.15 Gran Mëssa por la comunité dl ann + Veronica Costa dl ann + Regina Daporta</p>	<p>Sc'i periun do la unité di cristians,</p> <p><i>dailó orunse porvé da nes jí adincontra un al ater</i></p> <p><i>dailó n'orunse nia dé sö la speranza da rové tres deplü adöm</i></p> <p><i>dailó unse le coraje da vaghé ince ci che ne pê nia meso</i></p> <p><i>dailó unse la forza da nes pordené un al ater</i></p> <p><i>dailó mantignunse vi le dejier do na dërta comunité</i></p> <p><i>dailó cherdunse tl Spirit Sant dl amur, dla conescënza y dla converjiun</i></p> <p><i>dailó ti orunse bun a nostes sorus a y nüsc fredesc tla fede</i></p> <p><i>dailó cherdunse che le perié á la forza da mudé val'</i></p> <p><i>dailó savunse che la fede nes tēgn impé.</i></p> <p>Oraziun</p> <p><i>Bel Dî, Trinité santa y eterna, i periun por túa Dlijia te döt le monn.</i></p> <p><i>Santifichëia süa vita, renovëia so sorvisc tles zelebrazions de dljia y tl amur al proscim, dái forza a süa fede y a süa speranza, varësc sües divijiuns y fá sterscia süa unité.</i></p> <p><i>Condüjesse, cun dotes nostes sorus y nüsc fredesc, adöm tla comunité de na fede via y dëidesse, unis te chël un n Corp y tres chël un n Spirit, da dé deboriada testimonianza dla forza de to amur che ó nes condüje adöm. Amen.</i></p>
<p>19.01.26 Lönesc <i>Marius, Caia, Pia</i></p>	<p>9.30 Corona por + Helmut Frenner 10.00 Mëssa de sopoltöra</p>		
<p>20.01.26 Dedolönesc <i>Fabian, Bostian, Ursula</i></p>	<p>8.00 Mëssa en onú de Sant Antone y San Bostian por fam. Tone y Elsa Gasser + Mariangel Tavella, dl ann I metun man la novëna a S. Ojöp Fr.</p>		
<p>21.01.26 Dedemesaledema <i>Agnes, Ines, Meinrad</i></p>		<p>7.30 Mëssa + Nando Clara ++ de Iachin</p>	
<p>22.01.26 Jöbia <i>Vinzenz, Teodolinda</i></p>	<p>19.00 Mëssa por les püres Animes + Sepl Flöss d'Arzó, dl ann + + + siur Bertrand, Paula y Maria Vollmann</p>		
<p>23.01.26 Vëndres <i>Heinrich Seuse, Eugen</i></p>	<p>18.30 Adoraziun chîta 19.00 Adoraziun deboriada</p>		
<p>24.01.26 Sabeda <i>Francesch da Sales, Vera, Arno</i></p>	<p>18.30 Mëssa prefestia (don Marco) + + Nando y Hannele Flöss vis y def. fam. Paraza</p>		
<p>25.01.26 3ª DOMÈNIA - ANN A FESTA DE SANT OJÖP DA OIES DOMÈNIA DLA PARORA DE DÎ</p>	<p>9.30 Corona (siur Klaus) 10.00 Mëssa da festa por la comunité en onú de Sant Ojöp da Oies + Loise Ploner Unterweger + Alfred Zingerle, dl ann</p>	<p>7.50 Corona (siur Klaus) 8.15 Gran Mëssa por la comunité en onú de Sant Ojöp da Oies aniv. + Marino Clara aniv. + Pire Clara, Mair</p>	